



Diarazon Maart 4 2015 -Edicion-8 Vol.19437 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

Urataca Center
5855212

Diarazon 4 MRT:
Spagetti, Meatballs,
Berdura & Garlic
bread
fl.10

Don Pincho

Diarazon, 4 maart 2015
● Sopi di galiña
● Filet Mignon
● Carnival Chicken
ta bin cu aros, batata + salada
Special: f 9.75 + f 14.50
☎ 585-8459

Rowigini's Plaza, St. Cruz



ARUBA TIN E DEBE DI MAS HALTO DEN REINO Y UN DI ESNAN MAS HALTO DEN CARIBE

Minister Schwengle mes ta paga
su empleadonan?




Hedging mal efectua lo
por costa pueblo di Aruba
casi 300 miyon florin!

Na Aruba no tin “handy man”?

Fiesta di permiso di Paul Croes ta sigui

Ladronnan gará cu un cantidad
grandi di tubo di koper, hortá di
Prinses Amalia Basisschool



Graduacion di Lourdes Th. Tromp



Na Archivo
Nacional Aruba
dia 18 di Maart:

Apertura di
exposicion



Editorial: Minister Schwengle mes ta paga su empleadonan?



Den varios medio di prensa, pueblo por a tuma nota cu Minister Alex Schwengle encarga cu e cartera di Salubridad & Deporte, a manda tur empleado cu ta traha na su bureau, cas pa 1 siman. Parce cu Schwengle a rabia masha hopi ora el'a haya sa cu un of

mas hende cu ta traha cune na su bureau, a saca cierto informacion confidencial y a pasa esaki na conocimiento di Mike Eman, sin su autorizacion! Relaciona cu esaki el'a bay su bureau, a kita tur e "badgenan" cu ta duna su empleadonan acceso pa dreña e oficina y a manda tur cas pa por lo menos 1 siman! Ningun a keda na trabao, pasobra su consehero a bay, su secretaria a bay, su bode a bay, su chauffeur a bay y tur esnan cu ta traha den administracion tambe a

bay! Minister Schwengle ta e unico persona cu por dreña e oficina, ya cu tur otro no por dreña sin nan "badge"! E pregunta cu ta surgi ta: Kico ta asina secreto cu Minister Schwengle tabata tene scondi pa e propio Minister Presidente y lider di su partido AVP? Dicon el'a rabia asina hopi cu Mike Eman a haya cierto informacion cu el'a kier a tene scondi pa Mike? Esaki yama: confianza den bo propio gabinete! E derecho di trahadornan den servicio di gobierno mayoria biaha ta ser protegi pa e reglamento LMA (Landsverordening Materieel Ambtenarenrecht). Un cos ta sigur: TUR TRAHADOR NA

OFICINA DI MINISTER SCHWENGLE TA SIGUI HAYA FULL NAN SALARIO PA TUR DIA CU NAN KEDA CAS !! Schwengle ta consciente cuanto placa di pueblo e ta distribuyendo door di duna un grupo di trahador mas di 1 siman sin traha? Pueblo mester paga pa e acto aki di parti di minister Schwengle? Ta posibel pa cualkier minister, ora nan ta den nan awa, por djis yega oficina y core cu tur hende cu ta traha na nan bureau y pueblo mester paga pa sorto di cos asina? Parlamento di Aruba MESTER yama Schwengle "Op het matje" y pone personalmente responsabel pa paga tur esnan cu el'a haya gana di manda nan cas! E

mester paganan di su propio saco y no pone pueblo paga pa su muchachadanan. Ta ki sorto di actitud esaki? E no por a pidi conseho di e departamento encarga cu personal? Of e por a pidi secretario di gobierno un conseho? Parce cu henter e asunto di a lubida pa tene cuenta cu mester traha un kamer di operacion pa e hospital nobo, tin minister Schwengle di remate? Of por ta cu awor e mester traha como "voluntario" pa no perde su job, tin'e bao presion? Loke sea ta e caso, loke minister Schwengle a haci, NO POR y e mester percura pa tuma henter e responsabilidad di su hecho infantil aki.

Rudy Richardson di MEP:

UN PARTIDO NETAMENTE DI E PUEBLO DI ARUBA



MEP: Movimiento Electoral di Pueblo a wordo funda na Februari 9, 1971. Nos ta un partido politico cu ideologia Social Demócrata cu aliadonan manera PvdA: Partij van de Arbeid, tambe nos ta miembro di SI: Socialista Internacional. Política ta algo dinamico anto nos meta principal ta pa sirbi esnan biba na Aruba. Nos funfador efm Libertador Gilberto François "Betico" Croes semper a kere den esnan biba na Aruba. Nos ta Arubano; No esnan naci aki so pero tur cu ta haci Aruba

tampoco. E partido a conoce un gran lider den sr. Nelson Orlando Oduber anto awor ta bao liderazgo di mr. Evelyn Wever Croes. Nos nunca a laga politiconan di afor manipula e destino di nos pueblo. Nos tin logronan cu ni na Hulanda partidonan politico no tin, manera e referendum na 1977. Prome den Reino Hulandes. Partido AVP ta aliado cu CDA: Christian Democrat Appeal cu a perde eleccion na Hulanda na aña 2010 nan a perde mitar di nan asiento den parlamento

(Tweede Kamer) asina mes nan a logra di 2010 pa 2012 sinta cu VVD. Actualmente nan ta den oposicion cu 13 asiento di 150. Nan lider fracasa Jan Peter Balkenende a retira na 2010. E politico aki ta aliado di MinPres Mike Eman hunto nan a crea e plan di BES eilanden y St. Maarten y Corsou autonomo den Reino. Mike Eman a hunga un rol neocolonista den tur esaki. Mirando awe cu Boneiro no ta contento cu nan status actual. Mi mester pone enfasis cu e MEGADEBE di Mike ta cu ayudo di ex-Premiere Jan P. Balkenende y tambe nos por a waak e meneer aki na Aruba varios biaha cu e aventura di Green Conference y figuranan dudosos criminal cu nos MinPres actual. Ta obvio cu partido AVP a manipula hopi cu ayudo di CDA te na su derota awor nan ta den oposicion desde 2012. AVP y Mike Eman directamente ta responsabel pa e 4 biyon florin na debe nos ta bayendo pa 90% debt-to-ratio GDP y un deficit di 9.3% cu nos reservanan bahando te na 1052.5 di 1475.10 na 2009. Menos divisas lo conduci na devaluacion di nos florin. E maneho aki ta di AVP y Mike Eman e gritonan di Austeridad bai otro caminda cu ne pasobra e

ta puro mentira y manipulacion di hechos. MEP a gobernna drechi cu crisis di 911 na 2001 tambe cu e desaparicion di Natalee Holloway na 2005, y e crisis financiero na 2008. Asina mes nos a laga un debe di 40% di GDP y un averahe di 1.7% di deficit atras. Conclusion no ta partido VVD pasobra MinPres Rutte ta goberna Hulanda laga e Hulandesnan aproba su maneho. St. Maarten cu Corsou tin nan lidernan politico. Ta na Aruba MinPres Mike Eman mester goberna drechi y stop di mete den politica interno di nos islanan ruman den Reino. Ta Mike Eman tin cu asumi su responsabilidad cu e desaster di su maneho consecuentemente e mester a acepta CFT pasobra e no ta capaz di maneha finazas publico. Fiesta el'a haci desde di 2009 anto niun hende ta mas culpable cu ne. Refineria cera y BBO a wordo kita anto a yena Gobierno cu 7000 hende. Hala di MOU firma cu ZERO FDI: Foreign Direct Investment. Aruba tin e debe di mas halto den Reino y den region di Caribe y e tin nomber y fam: MinPres Michiel Godfried Eman.

NA ARUBA NO TIN "HANDY MAN"?

Fiesta di permiso di Paul Croes ta sigui

Alto Vista
Noord
Aruba

Oranjestad, 20/08/2014

Zijne Excellentie de heer P. Croes
Minister van Arbeid
L.G. Smith Blvd. 76
Alhier

Zijne Excellentie dhr. O. Scvinger
Minister van Integratie

Onderwerp: ontheffing DPL

Zijne Excellentie,

Middels dit schrijven vraagt ondergetekende, onderneming uw aandacht voor het volgende.

eigenaar van bovengenoemde

Ondergetekende wenst graag de volgende persoon in dienst te nemen:

Functie: All around handy man

geboren te Sto. Domingo op 11/05/1984

Gezien de behoefte die wij op zeer korte termijn hebben zien wij ons genoodzaakt om u een ontheffing te vragen voor de DPL arbeidsmarkt toetsing voor voornoemde functie die betrouwbaar is, de juiste werkhouding, een doorzettingsvermogen. Het gaat hier om de 1ste vergunning. Gezien de schaarste die op de arbeidsmarkt is voor het vervullen van deze functie met de voornoemde eigenschappen, zijn wij erin geslaagd om een kandidaat te vinden voor deze functie.

Gaarne vraagt ondergetekende aan Zijne Excellentie vriendelijk om ons in deze ontheffing te verlenen voor de arbeidsmarkt toetsing opdat we betrokkene zo spoedig mogelijk in dienst kan treden bij ons bedrijf. Het is voor ons van essentieel belang dat deze kandidaat zo spoedig mogelijk aan de slag gaat.

In afwachting van een positief bericht uwerzijds inzake bovengenoemde verzoek, verblijft ondergetekende,

Met de meeste Hoogachting,

Rooi Albé.
Paradera, Aruba
Tel:

afgehandeld conform verzoek
22/08/2014
DOL/OUTRAS/MIJN

Cuanto tata di famia ta sin trabao y ta desea di haya un trabao? Cuanto hende cu por haci e trabao di "handy man", ta buscando un trabao? Pero si ta pa Paul Croes, esnan cu por ta buscando e trabao aki, tin wel di lubida. Pasobra Minister Paul Croes ta prefera di habri porta pa mas stranhero bin traha na Aruba, en vez di permiti e stranheronan cu ta na Aruba caba haya un trabao. Esaki ta un di e tantisimo ehempelnan

cu abogado di Solo di Pueblo a trece na atencion di huez dialuna ultimo den e caso cu Paul Croes a entama contra di Solo di Pueblo. Un caso cu ta trata e peticion di un compania pa trece un "handy man" for di Santo Domingo. Supuestamente no por

haya ningun hende na Aruba pa haci e trabao ey. Pero mas tristo ta cu nan ta pidi e minister pa NO busca tampoco riba mercado local si por tin un of mas hende, acaso ta pasobra esnan cu ta na Aruba no ta di confia? Y ora bo kere cu e minister ta sali na defensa di nos ciudadanonan sea cu a nace aki of no, bo ta dal bo dede! Den apenas dos dia cu e compania a haci e peticion (20 Augustus 2014), Paul Croes a aproba pa e persona bin di Santo Domingo y ta permiti e compania cu no tin nodo di pasa Jobcenter pa waak si tin hende inscribi na Jobcenter pa e trabao ey! E tipo di abusonnan aki tin nos pueblo unda e ta, cu problemanan grandi di desempleo, problema social, criminalidad! Pasobra e gobierno no ta yuda e ciudadano di pais Aruba haya trabao, pero ta prefera pone e portanan hancho habri pa mas hende sigui bin di exterior. Solo di Pueblo ta un medio critico y responsabel y ta sinti cu ta su responsabilidad di alerta henter comunidad di Aruba di e abusonnan cu ta tuma lugar.

Cas di Max
Mueble y mas

Pasa, wak y compara
MIHO PRIJS Y CALIDAD

MATRAS/BOX/FRAME SET
SET DI UN PERSONA 95x190 afl.585,-
(TA INCLUI MATRAS, BOX, METALFRAME Y BBO)

MATRAS/BOX/FRAME SET
SET DI DOS PERSONA 135x190 afl.723,-
(TA INCLUI MATRAS, BOX, METALFRAME Y BBO)

MATRAS/BOX/FRAME SET
SET QUEEN 153x200 afl.954,-
(TA INCLUI MATRAS, BOX, METALFRAME Y BBO)

TA COBRA AFL. 25,- PA DELIVERY

Check nos riba facebook

Meiveld 3A-1 • orario: dialuna pa diasabra 9 - 6pm tel. 582-1671



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Ladronnan gará cu un cantidad grandi di tubo di koper, hortá di Prinses Amalia Basisschool



Dialuna anochi den careda di 10:30 polis a ser manda na e school pabao di Banco di Caribe, esta Prinses Amalia Basisschool. Aki segun un habitante

e ladronnan lo tin un Toyota Tercel corra, staciona ey mes. Nan tabata scucha basta desordo den e school. Polis di K9 a topa e auto Tercel aki net cu el'a caba di move di e sitio meciona. Nan tabata na e rotonde Banco di Caribe bayendo direccion Fergusonstraat. Polis a duna nan un señal pa para, y nan a para

na altura unda antes tabata Aruba Trading su showroom di auto. Polis a papia cu nan y a pidi nan pa baha. E dos hombernan a bin cu un storia cu nan ta bay pa benta un cantidad di tubo di koper afor, pasobra su mama a cambia e tubonan na cas. Mientras tanto e agente di K9 a splica con y ki color e tubonan ta. E otro patruya a bay na e school pa controla y e tubonan den e auto tabata e mesun tipo di tubo di e school. Ta trata di tubonan bastante bieu di koper manera por waak ariba e potretnan. Tabata tin basta tubo ariba e sienta patras. Mesora a detene ambos homber. E cabayero bieu a bisa polis cu ta lift el'a haya, locual polis no a guli tampoco. E cabayero cu tabata na stuur dado momento a gaña bira malo. Ambos a keda deteni y transporta pa



warda di Polis. Asina por waak cu koper ta keda wordo horta casi tur dia, pasobra eynan tin placa pa esnan cu no kier traha.




MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIERNA



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141

Chris Romero, parlamentario di MEP:

Hedging mal efectua lo por costa pueblo di Aruba casi 300 miyon florin!

Nos a tuma nota siman pasa cu minister encarga cu asuntonan di utilidad a trece algun informacion dilanti riba e feitenonderzoek conduci relaciona cu hedging door di WEB. Den su declaracion enfasis a wordo poniriba 3 diferente punto entre otro cu tin indicacion cu e contract no por wordo kibra, y tambe a hedge casi 100% di e heavy fuel oil cu WEB ta usa. E ponencia cu supuestamente contract no por wordo kibra ta uno cuestionabel y straño pasobra den tur contract ta incorpora e asina yama "boeteclausule". Si dado caso resulta cu e no tin uno nos lo bay verifica esaki den e reunion publico cu lo continua e luna aki. Na otro banda si tin uno incorpora den un contract ta importante pa sa e suma di e boet pa evalua si ta conviniente kibra esaki y renegocia uno nobo cu si lo beneficia pueblo pa logra baha prijs di coriente. Informacionnan ricibi for di e propio minister ta señala cu a hedge

entre 90%-95%. Esaki ta uno desproporcional teniendo cuenta cu normal lo hedge pa un maximo di 33% cual ta significa cu lo tin perdida. Remarcabel ta cu na otro parti di mundo e acto aki lo a wordo considera como un crimen pero aki so kier core pa responsabilidad. E termino cu a hedge ta un di 3 aña cual ta uno exagera y incomprendibel pasobra normanan ta indica cu mester hedge a termino corto, ehempel ta cada 3 luna. Awor aki nos ta man mara pasobra te na final di 2017 lo por bini un cambio den tarifa. Erornan cometi door di esaki ta significa cu Aruba lo tin e posibilidad pa perde mas o menos 270 miyon florin cual por a wordo inverti den diferente proyecto entre otro un hospital completo, construi schoolnan nobo, lo a resta placa pa moderniza e sistema di enseñanza y finalmente resta placa pa no cobra ni un florin extra den aumento di schoolgeld.



**“Duna un man,
crea un sonrisa!”**

Diabierna 20 y diasabra 21 di Maart 2015!

Bishita awor nos website arubadoet.com y registra como boluntario!

**Haci bon,
pasa bon!**



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Autoridad a bay atende negligencia serio di un cantidad di cacho

A encontra dos Rottweiler morto

Diamars mainta polis a bay den Rondweg, pabao di unda antes tabata Arugas. Motibo tabata cu e habitante a pidi asistencia di polis pa un problema di cacho. Na yegada Polis a comprende cu na e adres aki ta warda e cachonan cu ta ser usa pa cuida lugarnan. Polis pa nan sorpresa a haya un area caminda tabata tin un cantidad grandi di e cachonan aki, hinca den haula. Ora a sigui waak mas aleu, a bin haya dos cacho di raza Rottweiler morto den nan haula. Asina Polis a constata mas di e cachonan aki malnutri, hopi flaco y cu si algo no wordo haci liher, mas lo muri. Dos cabayero tabata esnan cu ta cuida e bestianan. A conversa cu ambos y ambos tabata tin diferente version. E animalnan ta den un situacion hopi penoso. Polis di Bario tambe a presenta y un multa a cay. E doño mes di e cachonan parce ta den exterior y ta yegando Aruba.



Conoci di polis a horta botter di tequila for di supermarket

Central a manda Polis dialuna pa 15:52, na Hong Win Supermarket pa un ladroncia unda e doño C.C. a mira riba camara cu e mesun persona dos dia sigui ta horta botter di tequila. Na e sitio, e homber C.C. a bisa polis cu el'a haya falta di un botter di tequilla na balor di 46.50 y a bay mira riba e camara. E dia despues el a bolbe bay mira riba camara y a nota cu un homber ta coy un otro botter di tequilla na balor di 45.75. C.C. y hink'e den su tas. C.C. no kier a yama Polis, pero mas o menos 16.00, el a bolbe mira e sospechoso den su tienda. Polis a topa e conocido di Polis D.M. y a scual e formal. D.M. tabata den compania di su casa. Nan a bisa Polis cu e momento ey, nan no tin placa pa paga, pero a priminti cu nan lo pasa paga e debe. Polis a mostra C.C. riba su derechonan y a bis'e si nan no bin paga e debe, e por bay duna keho na Recherche. Polis a core cu tur dos for di e sitio.

Homber di 24 aña gepress door di truck, hibá cu urgencia pa hospital



Diamars atardi un patruya na altura di Balashi a ser para pa algun persona. E personanan tabata indica cu tin un persona gravemente herida na un warehouse eybanda. Polis mesora a bay na e sitio y a comprende cu e cabayero di nacionalidad Dominicano a wordo gepress contra e muraya. Aparentemente e tabata para caminda ta entrega y baha carga y e chauffeur di e truck pa un


of otro motibo no a mir'e. Ambulance a ser pidi cu urgencia. Na nan yegada nan a prepar'e y a sali cune mesora pa hospital. Na yegada a constata cu el'a fractura su heup y cu tambe por tin daño serio na su riñon. Un grupo di cirujano tabata cla wardando e victima pa opera. E cabayero segun nos tin entendi no tin niun famia aki na Aruba y tampoco tin AZV.

Anuncio: Mediq Botica Trupiaal na warda

Pa motibo di luto:
Diahuebs 5 di maart 2015,
ta cera di 5:00 pm - 7:30 pm

Diabierna 6 di maart 2015,
ta cera di 12:00 pm - 7:30 pm

Riba diahuebs y diabierna Mediq Botica Trupiaal lo brinda su servicjonan na warda normal despues di 7:30 pm



ATENCION NA TUR BO PREGUNTANAN TOCANTE BO SALUD

Mediq Botica Trupiaal
Ponton
Tel. 583 8560

Parlamentario di MEP, mr. Xiomara Maduro:

E maneho expansivo di Gabinete Eman a backfire, dañando nos finanzas publico



Na momento cu Gabinete Eman a yega na mando na 2009 nan a scoge pa hisa e gastonan di gobierno cu e meta pa crece e economia di nos Pais cu a caba di pasa den un crisis financiero na nivel mundial. Nan a aplica e maneho expansivo den cual gobierno ta subi su gastonan pa inverti y asina logra crecimiento economico cu na su turno lo yuda cera e deficit presupuestario. Cu esaki den mente Gabinete Eman a cuminsa gasta placa y fia mas placa pa gasta, poniendo cu e gastonan di gobierno y e debe di nos Pais a subi barbaramente. Pero e maneho expansivo aki a backfire, dañando nos finanzas publico ya cu no a logra crece e economia di nos Pais manera primera. Inversion robez Pa yega na un presupuesto balansa por scoge dos caminda, sea ta corta gasto y reduci e deficit di gobierno of ta subi gasto pa por haci inversion cu e speranza cu economia lo lora y gobierno lo yega na placa pa por cera e deficit grandi cu e scogencia aki

ta trece cune. Gabinete Eman a purba e caminda di crea gasto. Pero como cu a inverti robez, awe nos ta sinta cu deficit y debe grandisimo. Pero envez di a stimula economia di nos Pais cu incentivo pa crea cupo di trabao duradero, Gabinete Eman a gasta placa den consume, subiendo gasto di gobernacion. Asina durante e presentacion di CFT na Universidad di Aruba, nan a muestra riba e hecho cu Gabinete Eman a subi su gastonan cu 21.5%, gastonan di personal cu 20% y gastonan di interes pa fianzanan a subi cu 50%. CFT a muestra cu e gastonan aki no tin un efecto positivo di largo duracion riba nos economia y ta pone cu e ta backfire lagando nos finanzas publico den peliger di deficit halto, debe halto y problema cu divisas. Mester inversion di sector priva. Durante e charla CFT a indica cu inversionnan di gobierno den un economia chikito y habri manera esun di Aruba no ta e instrumento corecto pa stimula nos economia. Pa yega

na crecimiento duradero y sostenibel di nos economia, Aruba tin mester di inversion den sector priva cu ta produci cupo di trabao duradero. Mester tene na cuenta cu inversionista ta inverti nan placa y core riesgo solamente si nan ta sigur cu Gobierno ta maneha finanzas

publico na un manera responsabel. Ya cu e deficitnan di awe lo ta e belasting cu mester wordo paga mañan. Gabinete Eman no a maneha nos finanzas publico adecuadamente y Standard and Poors', IMF, Fitch y CFT a para testigo di esey. E crecimiento economico cu a wordo logra, no a yega pa por a paga pa e gastonan grandi cu a wordo haci. Banda di esaki e debe a wordo redobla den apenas 4

aña di tempo, locual a pone un peso grandi riba nos finanzas publico. Esaki a pone cu no a resta resta espacio fiscal pa por stimula inversion den actividadnan cu ta substitui importacion y ta encurasha exportacion. Ta netamente e estimulo pa logra inversion di sector priva Aruba su economia mester y no e maneho expansivo di Gabinete Eman cu a backfire dañando nos finanzas publico.



Cambio di dokter di cas

Awor unicamente den luna di maart y september

Pa mehora e proceso di cambio di dokter di cas y pa facilita e asegurado di AZV, AZV ta introduci cambio di dokter di cas den dos periodo di aña. Den luna di maart y den luna di september.

Con e cambio di dokter di cas ta tuma luga?

- * Bo ta acudi cerca e dokter di cas di bo interes.
- * Bo ta puntra si mag haci cambio y inscribi cerca e dokter di cas.
- * Si e dokter di cas duna o.k. por inscribi.
- * Bo ta yena y firma e formulario di cambio di dokter di cas cerca e dokter di cas nobo.
- * E dokter di cas tambe ta firma como muestra di su aprobacion.
- * E dokter di cas ta manda e formulario di cambio di dokter di cas pa AZV.
- * AZV ta procesa e cambio, manera cu ricibi esaki for di e dokter.
- * Despues e asegurado ta haya un confirmacion di AZV cu e cambio di dokter di cas a tuma luga.

AZV ta stimula pa un asegurado y su famia keda inscribi mas largo cu ta posibel cerca un dokter di cas. Sa sosode cu pashent kier cambia di dokter di cas, den tal caso esaki ta posibel unicamente den luna di maart y luna di september.

Pa mas informacion tocante cambio di dokter di cas por yama AZV na 5279900 of 5840030.



Rumbastraat 21, Oranjestad info@u0azv.aw www.azv.aw

Graduacion di Lourdes Th. Tromp

Cu hopi orguyo famia Tromp residencia na Palm Beach tin e placer di comparti e grato noticia cu a gradua dia 27 di Januari 2015 na Enschede, Hulanda na Saxion Hogeschool, Lourdes Th. Tromp. Lourdes a obtene, despues di hopi lucha y hopi sacrificio, su Bachelor degree den Elektrotechniek cual estudio a wordo haci via DOC Opleidingen/ Saxion Enschede. Famianan, amigonan, amistadnan ta felicita Lourdes cu su logro grandi y ta dese'e alavez tur clase di exito cu tur e metanan cu e propone su mes. Adhunto un reportage grafico di e defensa di su tesis y diploma - uitreiking.



Make your house your home

Hagemyer

CONTAINER
NOBO AJEGA!!
CREDITO ta POSIBEL



"Appliances, electronics and furniture"

Avenida Milo Croes 114 | Tel: 521-1180 | www.hagemyeraruba.com | [f Hagemyer Aruba](#)

OPEN 9:00 AM - 6:00 PM NON-STOP!

Noticia cayente tur mainta: Abona na Solo awor!

585 - 9500

MADURO HEAVY EQUIPMENT N.V.

Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno, Coba Pos y
Fundeshi.

ROOI BOSAL 49

TEL.: 585-1708

FAX.: 585-6299



Santa Cruz 38 Tel: 585-3323

Santa Cruz 38 Tel: 585-3323

SPECIAL SPECIAL

Mens haircut Afl. 25.00
Womans haircut Afl. 25.00

Special on Keratina Special riba tur servicio
Yama haci bo cita

Nos orario nobo di 9:00 am pa 6:00 pm

Pa cualkier ocasion special, request bo make up
profesional.

Bishita nos, tin un crew di estilista profesional ta
cla pa atendebo.



OPENBAAR
MINISTERIE
ARUBA

Den Corte di Prome Instancia lo aparece riba 5 di Maart 2015

Pa 8:30 am: K.Z.M. ta wordo acusa di a
intencionalmente maltrata un persona riba 25 di Juli
2013, door di dal e varios biaha cu wanta of mokete na
su cara y/of cabez y/of curpa y pushe na su curpa y/of
cabez y ranca su cabey.

Pa 9:15 am: S.E.R.Z. ta wordo acusa di a core cu un velocidad halto riba 16
di Juni 2012 riba caminda na haltura di Seroe Tijshi. E ta wordo acusa di a
intencionalmente maltrata un persona, door di corte cu un arma (esta, un
cuchiu of un botter) na su braza riba 7 di September 2012..

Pa 9:30 am: R.L.F. ta wordo acusa di a intencionalmente destrui dos
tire y/of tres luz y/of un bentana di un pick-up riba 28 di Oktober 2013 cu
cuchiu(nan).

Pa 9:45 am: A.A.B. ta wordo acusa di a menaza un persona cu morto y/of
maltrato riba 13 di Maart 2014, door di intencionalmente varios biaha punta
un pistol di aire riba e persona y a bise: "Bo kier mi blaas, no" y/of "Bo kier
mi tira bo awor".

Pa 10:00 am: K.J.T.A. ta wordo acusa di a menaza un persona cu morto riba
11 di December 2012, door di bise cu si e no dune su celular, su mama lo
bin haye morto. E ta wordo acusa di a intencionalmente maltrata e persona
aki riba 11 di December 2012, door di tene na su cabey y/of dal e wanta den
cara y/of lastre di kamber pa kamber den cas y/of scop e y dal e cu mokete.
E ta wordo acusa di a intencionalmente destrui un man di porta y/of un
porta y/of un remote y/of mas cosnan di e persona en cuestion riba 11 di
December 2012.

Pa 10:15 am: C.M.B. ta wordo acusa di a bende y/of entrega y/of transporta
y/of tabata tin den su posesion, cocaina y hennep, den e periodo di Mei
2008 te 28 di Mei 2013.

Pa 10:30 am: R.R.E.L. ta wordo acusa di ladronicia di un pasaporte y/of
un buki di banco di un persona den e periodo di 2 pa 5 di Mei 2014. E ta
wordo acusa di ladronicia di un suma di placa di e persona en cuestion den
e periodo di 2 pa 5 di Mei 2014, door di falsifica un machtiging. E ta wordo
acusa di a intencionalmente falsifica un carta di machtiging pa un banco riba
5 di Mei 2014.

L. ta wordo acusa di intento di ladronicia den un cas di comestiblenan riba
19 di Juni 2014.

Pa 11:30 am: R.J.R.W. ta wordo acusa di a comete un delito sexual cu un
persona menor di edad riba 5 di Juni 2014.

Cabrito a duna habitante hopi gasto

Asistencia di Polis a wordo pidi dialuna pa 17:20, na un cas na Ayo y ey
nan a papia cu e homber M. kende a yama polis di bario. El'a bisa cu e tin
hopi problema cu cabritonan cu ta drenta den su cura y a come diferente
mata. El'a tuma diferente medida pa cera su cura bon, pero no por evita
cu e cabritonan a drenta paden. Tambe el'a bisa cu el'a usa hopi placa pa
cumpra porta y tambe pone prikkeldraad, pero e cabritonan ta sigui drenta
paden. E no sa kende ta doño di e cabritonan. E no sa di kende nan ta.
E ta bisa cu tin dos grupo di adres, pero e lo haci investigacion y lo tuma
medida.

Parlamentario di MEP, mr. Xiomara Maduro:

Aruba tin e debe di mas halto den Reino y un di esnan mas halto den Caribe




Durante e presentacion di CFT na Universidad di Aruba riba e situacion financiero di nos Pais, Professor Bakker di CFT a indica cu e debe di Aruba ta esun di mas halto den Reino Hulandes y tambe un di esnan mas halto den Caribe. Sr. Bakker a splica cu despues di e 'double dip' cu nos Pais a pasa aden, e crisis financiero mundial na 2008, 2009 y e ciere di Valero na 2012, nos por a spera cu e debe di nos Pais lo a subi. Sinembargo e debe di nos Pais a subi extremadamente hopi. Motibo pa cual a splica cu no ta solamente e factornan externo (crisis financiero y ciere di Valero), pero factornan interno tambe a hunga un rol grandi cu e debe di nos Pais a crece di e forma abnormal aki.

Debe ta na 80 cent di cada florin CFT a informa cu e debe di Aruba a subi barbaramente den e ultimo añanan. Na 2008 ainda e debe tabata na 40 cent di cada florin, cual ta cumpli cu e normanan di un debe manehabel pa un economia manera esun di Aruba. Pero despues di 2011, e debe a keda bira grandi y ta hasta a pasa e debe cu Hulanda tin y ta hopi mas halto cu e debenan di Corsou y Sint Maarten. Den Caribe tambe Aruba ta briya cu un debe halto y ta figura banda di St. Kitts & Nevis, Jamaica y Barbados cu tin debe haltisimo. Factor interno cu a pone debe subi CFT a muestra cu e debe di Aruba a subi grandemente debi na e maneho financiero di Gabinete Eman den 2009 pa 2014, den cual


a subi tur e gastonan di gobernacion den un forma excesivo. Principalmente e gastonan di personal a subi grandemente, mas personal a wordo tuma den servicio cu un salario mas halto y cu mas beneficio. E gastonan di pago di interes riba fianza cu Gobierno ta haci tambe a bira dobel y ta pone cu e debe a subi aun mas. Na inversion mes Gabinete Eman no a gasta placa ya cu nan a inverti menos di 60 miyon cada año, siendo cu nan a presta mas di 1000 miyon florin riba mercado internacional. Banda di esaki Gabinete Eman no a inverti den proyectonan cu ta crea cupo di trabao duradero cu ta logra na pone nos economia lora y yuda e caha di gobierno. Esaki a pone cu mas placa mester a wordo fia y mas grandi e debe a bira. Mester bay bek na un

Graph 3



Government debt in Aruba increased sharply in the last couple of years. In 2008 government debt was still close to 40% of GDP. Together with the effects of the financial crisis in 2008, the debt to GDP ratio soared both in both Aruba and in the Netherlands. In 2011 government debt in Aruba

Graph 4



nivel saludabel di debe. Na final di e presentacion CFT a recomenda pa Gabinete Eman corta den e gastonan di gobernacion. Ta tempo pa trece e debe bek na un nivel saludabel pa nos Pais. E nivel aki segun estudio haci pa IMF ta na 40% di nos GDP, pues ora di cada florin, 40 cent ta bay pa paga debe. Remarcabel ta cu esaki ta e nivel di debe cu nos Pais a conoce tempo cu Gabinete Oduber tabata

na mando. Di e manera aki atrobe un instancia independiente ta desenmascara Gabinete Eman su engaño cu nan a hereda un destaster financiero. E maneho di Gabinete Oduber tabata uno responsabel cu tabata cumpli cu normanan di un finanzas publico manehabel. Pero awor Gabinete Eman su mal gobernacion a pone cu Aruba tin e debe di mas halto den Reino y un di esnan mas halto den Caribe.

Polis a atende homber burachi fastioso

Central a manda Polisnan dialuna 20:58 na un cas na Cura Cabay Zuid, unda un homber burachi tabata haci fastioso. Ey polis a topa cu e homber R.R. kende tabata fuertemente bao di influencia di alcohol of droga. Polis a papia cu R.R. y el'a compronde.

Asistencia pa destruccion na apartamento

Central a manda polisnan dialuna pa 12:20, na Eagle Beach Ocean View Apartment, unda a kibra un bentana di un apartamento. Polis a nota cu e bentana di un di e kambenan tabata kibra. Polis a papia cu e yiu di e doño, kende ta bisa cu e hurdo a

kibra e bentana cu un panchi di dak. Esaki ta di tres biaha cu e hurdo ta haci fastioso. Polis a nota cu e hurdo ta bao di influencia di alcohol y a purba papia cune, pero sin resultado positivo. Polis a conseha e manager pa saca e hurdo for di e compleho, door di su malcomportacion. Tambe nan a conseha e manager pa traha un factura di e bentana kibra y kit'e for di e borg di e hurdo.



Starting from Awg. 29,200.-

There's no shortage on talent when it comes to the new Kia Rio. This sporty compact with upgraded efficiency boasts a lower emissions rating than ever before. And with detail given to its design as well, the new Kia Rio is more dynamic and sleeker than ever, making it as pretty on the outside as it is smart on the inside. Now that's talent.

Facebook
www.facebook.com/KiaMotorsAruba

TOPCAR Topcar | +297-528-9500 | Caya Ernesto Petronis 21

The Power to Surprise

Ladronnan a kibra glas di auto

Presencia di Polis a wordo pidi dialuna pa 11:15, na e parkinglot di Alhambra Casino unda ladronnan a kibra glas di auto. Ey e doño Q. a bisa cu mas o menos 20:45, el'a laga su auto Byd model f3 den e parkinglot y a laga su auto na yabi. E mesun dia pa 23.15, ora cu el'a bolbe, el'a mira cu e bentana chikito patras tabata kibra. El'a declara cu desconocirnan a purba di drenta den su auto. Polis a tuma e keho

ABONA

AWOR

585-9500

E research mas grandi na Aruba haci riba e topico di Facebook y su influencia riba e consumidor finalmente a keda cla !



Despues di 3 luna, e research mas grandi na Aruba haci riba e topico di Facebook y su influencia riba e consumidor finalmente a keda cla. 'The Facebook Case on Consumers Electronic Products' a ricibi un total di 645 participante cu un variacion grandi den edad. E research aki a wordo haci door di Robert Anjie, un estudiante di Universidad di Aruba, studiando na e facultad di 'Accounting, Finance and Marketing'. Mr. Anjie a usa e plataforma di Facebook mes pa haya e 645

participante nan. Cada persona cu a participa a haya e chens pa gana un tablet Asus Memo Pad. Nos ta contento di anuncia e ganador di e premio ta Neisar Jamaloodin. E meta di e research ta pa genera recomendacionan y "insights" cu negoshinan local por usa pa den nan marketing planning pa captura mas cliente riba Facebook. Na e momento nan aki Mr. Anjie ta cabando di pasa door di e resultado nan y pa tur esnan interesa den e resultado di e research aki por contact: robert.anjie@student.ua.aw



Sra. Cella Visser-Lampe
Ex-directora di Visser Corporation

*"Miss me but let me go,
for this is a journey we all
must take and each must go alone
its all part of the Master Plan
a step on the road to Home"*

Pa motibo di luto Boticanan Mediq y Downtown Drugstore ta cera diahuebs 5 di maart 2015 pa 5:00 pm

Dia di entierro ta diabierna 6 di maart 2015, Boticanan Mediq, Downtown Drugstore y Incocenter ta cera 12:00 pm

Gerencia y staff di:

Mediq Botica San Lucas
Mediq Botica Centro Medico
Mediq Botica Central
Mediq Botica Oduber
Mediq Botica Trupiaal
Mediq Botica Kibrahacha

Downtown Drugstore
Incocenter



Downtown Drugstore

INCO
Information
Center
SMC
Inco Center Sta Cruz
(next to Botica Central)
Santa Cruz 750, Aruba DWR
Tel: (297) 5850101
Fax: (297) 9950201



Adres: Paradera 46 Tel/Fax: 5851178

Comunicado! Comunicado! Comunicado! URGENTE !! URGENTE !!

Pa medio di e comunicado aki directiva di "Sindicato di Trahadornan di Aruba" (S.T.A.) kier a invita tur empleado di Thiel Corporation; Thiel Resources N.V.; ALBO Aruba N.V.; Arubaanse Wegenbouw Maatschappij N.V. ,CROON CARIBE Y BOHAMA NV pa acudi na un reunion cu carater di urgencia.

Dia: awe 4 di Maart 2015 (diarazon) na CENTRO DI BARIO TANKI LEENDERT pa 5:30 – 7:00 P.M.

E puntonan di agenda: 1. Apertura. 2 Ultimo desaroyonan; 3. Punto nan pa aproba referente CAO nobo; 4. Palabra Liber y 5. Clausura.

Acudi sin falta na e reunion aki cu caracter di urgencia cu lo determina futuro di boso trahadornan.
Bini uno Bini tur !!!!!!!

8 Maart 2015: DIA DI HENDE MUHER



Na 1911 "Dia Internacional di Hende Muher" a worde reconoce y celebra pa prome biaha internacionalmente. Esaki a sosode na diferente pais, e.o.: Alemania, Austria, Dinamarca, Suisa y Merca. Hulanda a celebra e dia aki pa prome biaha na 1912.

Como cu "Dia di Hende Muhe" tabata worde celebra tambe riba otro fechanan den diferente pais, tabata te na aña 1922 cu un fecha fiho a ser escogi, esta 8 di Maart. Asina mes a dura te 1975 prome cu mundialmente ta declara Dia Internacional di Hende Muhe riba e fecha di 8 Maart. Na 1978 e fecha di 8 Maart a wordo oficialmente reconoci pa Nacionnan Uni. Na Aruba a celebra, conmemora, reconoce Dia di Hende Muher pa prome biaha na 1977. Fundacion pa Hende Muher den Dificultad ta invita pueblo di Aruba pa bin celebra dia di Hende Muhe 2015 na nos sitio na Primavera 1-b.

Nos tin un Koffiemorgen combina cu un Vlooiemarkt, cuminsando pa 9'or mainta y ta bay te 1'or di merdia. Tickets pa e koffiemorgen ta na Fls. 7,50. Y ta obtenibel na nos oficina, tel. 583 5400 y cerca miembronan di directiva. Pa vlooiemarkt tin: paña, buki, mata, cos di cas, curiosidades y mas. Bin celebra e dia importante aki cu nos y alavez yuda nos fundacion pa recauda fondo pa sigui cu nos meta, mision y vision.

Aruba Bank ta aporta na intercambio cultural entre islanan ABC

Jossy Brokke, Wesley St. Jago y Ced Ride den concierto na Aruba



Aruba Bank ta orguyoso pa anuncia cu riba dianan 14 y 15 di Maart proximo lo tuma lugar un bunita concierto cu tres di e cantantenan di mas renombra di e islanan ruman Aruba, Boneiro y Corsou. Ta trata di un proyecto historico, unda cu Fundacion Mi Cutisa di Aruba ta organiza e concierto na Aruba den colaboracion cu Fundacion Ced pa Semper di Corsou y Fundacion Sabor Krioyo di Boneiro. Pa e intercambio cultural cu enfoke riba musica di folklore, un concierto berdadero unico, ta reuni e cantantenan Jossy Brokke di

Aruba, Wesley St. Jago di Boneiro y Ced Ride di Corsou. E organizadornan di parti di Fundacion Mi Cutisa y Aruba Bank, como sponsor tin e honor di ta partnernan den e proyecto aki, pa cual a scoge Aruba como destinacion pa e premiere di e serie di concierto cu lo tuma lugar riba tur tres isla. Aruba Bank a haci un donacion pa sostene asina Fundacion Mi Cutisa, cual por cierto tambe ta un cliente fiel di e banco desde cu el'a wordo funda 10 aña pasa, riba dia 10 di Maart, 2005




Maart, luna cultural di Aruba, 30% ariba bukinan di UNOCA



Luna di Maart ta Aruba su luna cultural! Pa tal motibo UNOCA ta brinda Aruba 30% rebaho ariba su bukinan. Bukinan pa mucha, hoben y adulto. Educativo y bunita. Sigur ta bukinan cu ya ta wordo cumpra pa regalo di cumpleaños, ricibimento, dia di mama, dia di tata. Bukinan di UNOCA ta conoci pa nan bon prijs y cu 30% e prijsnan lo ta mas sublime! E 30% lo ta obtenibel na De Wit/Vandorp, Scol di Arte y na UNOCA. Tambe dia 14 di Maart dia di Poppenkast

di Trupialen na Club Trupialen. Y sigur tambe dia 18 di Maart UNOCA lo ta na Archivo Nacional na exposicion grandi "Aruba y su rumannan den Reino dor di lens Hulandes 1950-1960", henter dia nos lo ta bao di tent di UNOCA bendiendo e bukinan aki y mesun dia Trupialen den La Salle straat lo bende soppi y bukinan di UNOCA y lo bende te ora bukinan y sopi caba! Shonnnan corda yega na tempo!! Y corda " Pa sa di hopi cos un tiki,..... Lesa tur dia ta e triki!!"



PUEBLO A HAÑA SU PEN BEK

Pa kualkier informacion
solodipueblo@gmail.com

or
☎ 585-9500

DRS. BOOSHI WEVER DI UPP:

PETICION URGENTE NA PRESIDENTE SRA. LOPEZ – TROMP PA PARLAMENTO BINI CU UN MOCION PA UN “FEITEN – ONDERZOEK” OF “FORENSISCH ONDERZOEK” DEN ASUNTO DI IMSAN Y DUMP



“Nos tur por a scucha con den e reunionnan andando den Parlamento, unda ta trata principalmente e gastonan extra pa e sala(nan) di operacion di hospital, cierto parlamentarionan a haya bon pa – di tantísimo biaha – insinua cu cosnan lo a bay robez, tanto den IMSAN como na Dump, den e periodo cu ami tabata minister pa entre otro Salubridad y Medio Ambiente. Harta di tur e insinuacionnan, specialmente esunnan cu ta ser vocifera den Parlamento, unda no solamente parlamentario,

pero tambe e propio minister Sevinger, ta acusami “a todo placer” di accionnan cu lo no por a weita luz di dia, sin cu nan socio, presidente di parlamento, Marisol Lopez-Tromp, ni sikiera ta hala nan atencion cu nan no por referi na un persona si esaki no ta den Parlamento, corda pa e tahanan pa sigui! Tampoco Marisol a cordanan cu e asuntunan aki NO tabata forma parti di e agenda at all. Di e manera aki, un biaha mas Marisol ta faya barbaramente como Presidente di Parlamento. Pues Marisol a permiti tanto e minister como parlamentario(nan) pa lanza acusacionnan contra di mi persona, a sabiendas cu mi no tabata tin e oportunidad di defende mi mes “à la minute” y “ter plaatse”. Cu mi carta fecha 2 di Maart 2015 dirigi na Presidente di Parlamento (copia adhunto), mi ta sugeri, mas bien mi ta URGI su persona pa e usa su posicion pa haya parlamento presenta y acepta un mocion cu ta instrui pa un “feitenonderzoek”

of un “forensisch onderzoek” tuma lugar tambe den e dos proyectonan aki. Mi NO tin nada di sconde! Mi consenshi ta limpi! E “feitenonderzoek” of “forensischonderzoek” den cada proyecto lo demostra cu no tin nada cu a bay robez. Den e caso di dump, esaki lo confirma e – por lo menos 6 – sentencianan di Huez, hasta te den Hoger Beroep. No ta algo usual, pero mester bin un fin na e insinuacionnan aki. Por fabor no “chicken-out” awor. Pa e “feitenonderzoek” of “forensischonderzoek”-nan por ta completo, esakinan mester cubri e periodo for di tempo cu mi persona a cuminsa carga responsabilidad pa ambos, pero TE CU AWOR AKI, AÑA 2015! Laga e feitenonderzoek den IMSAN muestra tambe kico mi a laga atras fin di Oktober 2009, tanto na proyectonan como na material. Lague muestra kico e gobierno aki a haci por ehempel cu e material, e aparatura, etc. Laga e feitenonderzoek na dump na Parkietenbos muestra unda tabata tin sabotahe, por ehempel ora cu a tira piezanan pisa di auto den e machine! Mi ta sugeri pa – mas específico pa loke ta trata e proyecto na

dump – e “feitenonderzoek” of “forensisch onderzoek” considera tambe tur e correspondencia cu tabata tin riba e proyecto aki; for di principio na unda for “day one” AIB y FDA tabata involvi; alavez mi kier referi aki entre otro na e diferente casonan dilanti di mesa berde, cu ya mi a menciona anteriormente, unda na 6 ocasion, Huez a dicta cu NO tabata tin nada cu a bay contra ley. Pa ta completo: mi kier asumi cu – y si mi ta robez, mi ta demanda pa – den e “feitenonderzoek” riba e asunto di hospital, esaki lo “cover” henter e periodo, pues por lo menos for di e invitacion, incluso e “bestek”, acompaña pa “onderliggende stukken”, na companianan pa nan participa den un destaho publico pa dicho expansion y renobacion, te na otorgamento di e proyecto na Bermello y Arrellano. Mi a sugeri (lesa: URGI!) pa den e “feitenonderzoek” den e caso di hospital, bin tambe un aclaracion y splicacion di sr. Frensel Giel, director di A.I.B., encuanto e motibo di su vuelta di 180 grado respecto e tereno unda e hospital ta situa. Lagami splica: den su rapport di Juni 2007, sr.

Frensel Giel/A.I.B. ta condena e tereno unda e hospital ta para, como completamente inadecua pa un hospital; cu cambio di gobierno na final di 2009 A.I.B. no tabata tin ningun obheccion mas contra e sitio. Den e situacion di 2007 NO a bini ningun cambio toch? Awor cu ta resulta cu e kelder di e hospital ta keda yena cu “grondwater” y cu ta casi imposibel pa saca e awa, ni cuanto truck pone traha, e pregunta ta, si sr. Giel a basa su posicion di Juni 2007 riba su conocimiento di e condicion di e tereno, pues cu sr. Giel tabata tin motibonan valido pa a condena e tereno na Juni 2007! Copia di e carta pa Marisol a bay tambe pa e lidernan di fraccion den Parlamento, cu e intencion cu nan tambe lo pusha pa e mocion pa e “feitenonderzoek” of “forensischonderzoek”-nan aki di berdad wordo lanza y aproba, y ehecuta mas pronto posibel. Palabra ta na Marisol y na Parlamento!

Anexo: copia carta pa presidente di Parlamento

<p>Na Presidente di Parlamento di Aruba Sra. drs. Marisol Lopez-Tromp L. G. Smith Blvd. 72, PRESENTE</p> <p>Brazil, 02 maart 2015</p> <p>Asunto: Peticion pa “feitenonderzoek of forensischonderzoek” den diferente proyecto</p> <p>Suscrito, drs. Candelario A. S. D. Wever, anterior miembro di Parlamento y ex-Minister di Medio Ambiente, Salubridad Publico, Asuntunan Administrativo y Asuntunan di Etranheria, ta pidi bo atencion pa lo siguiente.</p> <p>Durante e recién reunionnan di Parlamento unda a cuminsa trata e aumento di gastonan den e proyecto di expansion y renobacion di Hospital Horacio Oduber, mas específicamente - pero no limita na esaki - pa loke ta trata e sala(nan) di operacion, a bin riba mesa e sugerencia pa un asina yama “feitenonderzoek”, cu e meta pa Parlamento haya un bista completo di lo sucedido den e trayecto, for di e invitacion pa companianan participa den un destaho publico pa dicho expansion y renobacion, te na otorgamento di e proyecto na Bermello y Arrellano.</p> <p>Remarcabel den e discusionnan tabata cu un of mas miembro di Parlamento a insinua cu na Centro Medico y na dump na Parkietenbos tambe cosnan lo no a bay manera debe ser, algo cu pa basta tempo repetidamente tabata ser insinua caba.</p> <p>Ta di lamenta cu tanto miembronan di fraccion di AVP como Ministernan a hinca ambos proyecto den e discusionnan, aunke esakinan no tabatin nada di haci cu e proyecto di hospital mes.</p> <p>For di mesun skina cierto insinuacionnan tabata ser lanza den mi direccion, sin cu mi tabatin e oportunidad di defende mi mes inmediatamente y “ter plekke”, pasobra mi no ta forma parti di Parlamento actualmente, pero – pío ainda - tambe sin cu su persona, den su calidad di Presidente di Parlamento, a pone un paro na esaki, of por lo menos hala atencion di e orador en cuestion, manera mester por a spera di un Presidente di Parlamento. Consequentemente e asuntunan aki a bira parti di e deliberacionnan.</p> <p>Na diferente ocasion den pasado mi a declara enfáticamente cu mi no tin absolutamente nada di sconde, ni den e proyecto di Centro Medico, ni den e Proyecto di Dump. Cu esaki na bista, y pues cu un consenshi limpi tambe, mi kier sugeri, mas bien URGI Parlamento pa produci un mocion pa organisa un “feitenonderzoek of un forensischonderzoek”, tanto den e proyecto di construcion di IMSAN, como den e proyecto di “afvalverwerking” na dump na Parkietenbos for di tempo cu mi persona como minister tabata encarga cu Medio Ambiente, te cu awe, aña 2015 door di un instancia imparcial.</p>	<p>STATEN VAN ARUBA</p> <p>Ingez. 02 Maart 2015</p> <p>Volgnummer:</p>
--	--

Mi ta sugeri pa – mas específico pa loke ta trata e proyecto na dump – e “feitenonderzoek of e forensischonderzoek” considera tambe tur e correspondencia cu tabatin riba e proyecto aki; mi kier referi aki entre otro na e diferente casonan dilanti di mesa berde, unda na por lo menos 4 ocasion, Huez a dicta cu NO tabatin nada cu a bay contra ley y e rapport di WODC. Y naturalmente e investigacion intensivo di mas di un aña cu ya caba Ministerio Publico a hasi riba e proyecto di Dump.

Copia di e carta aki ta bay pa e 3 fraccionnan den Parlamento, cu e peticion pa sostene mi peticion pa e dos “feitenonderzoek of forensischonderzoek”-nan aki.

Gradiciendo bo persona pa bo diligencia cu e peticion aki, mi ta termina,

Atentamente,

Candelario A. S. D. Wever

Ex-Parlamentario, ex-Minister encarga cu Medio Ambiente, Salubridad Publico, Asuntunan Administrativo y Asuntunan di Etranheria

Cc: sra. E. Wever – Croes, lider di fraccion di M.E.P.

Sr. Rene Herde – lider di fraccion di A.V.P.

Sr. A. Bikker – lider di fraccion di P.D.R

Na Archivo Nacional Aruba dia 18 di Maart:

Apertura di exposicion

“Aruba y su rumannan den Reino, door di e lens Hulandes 1950 -1960”



Archivo Nacional Aruba den cooperacion cu UNOCA ta preparando pa apertura di su exposicion titula: “Aruba y su rumannan den Reino, door di e lens Hulandes 1950-1960”, dia 18 di Maart proximo cuminsando pa 9’or di mainta pa 6’or di atardi. E exposicion ta un coleccion unico di potret saca for di diferente rol di film na unda ta mostra imagennan di Aruba y su rumannan den Reino, esta Boneiro, Corsou, St. Maarten, Saba, St. Eustatius y Surinam durante e añanan ’50. E material visual aki a wordo usa na Hulanda como material educativo na e schoolnan durante e lesnandí Aardrijkskunde durante 1950 - 1960. E material ta un coleccion di rol di film cu UNOCA a cumpra for di un coleccionista di film na Hulanda. Na momento cu UNOCA a ricibi a coleccion y a mira su gran importancia pa

comparti esaki cu nos pueblo, e idea pa un exposicion a nace. UNOCA a acerca ANA pa conhuntamente yega na un exposicion pa comparti e imagennan valioso aki cu nos comunidad. Mirando e importancia di e potretnan y nan caracter unico, ANA a traha duro pa ilustra esakinan den un forma diferente y innovativo, cual pueblo di Aruba por disfruta di dje ariba dia di nos Himno y Bandera, dia 18 di Maart proximo. Banda di exposicion aki lo tin tambe un exposicion di Post Aruba N.V. Publico por waak e coleccion di stampia di Post Aruba N.V. y interesadonan por cumpra serie di stampia pa nan coleccion. Tambe lo tin un exposicion di cuadra unico y bunita di sr. Johannes Donati, cual por wordo admira y adkiri durante e dia aki. Pa celebra nos dia di Himno y Bandera Banda

ANA conhuntamente cu Fundacion Amigonan di Archivo ta preparando pa su Festividad Nacional 18 di Maart cual lo tuma lugar riba e tereno di ANA durante henter dia, cuminsando pa 9’or di mainta. Lo tin un Festival di cuminda Local, Caribense y Surnameño, diferente bolo, tert, cosnan dushi di Corsou y mucho mas. Tambe UNOCA y Fundacion Amigonan di Archivo lo bende su bukinan na un prijs special ariba e dia aki. Pa entretene e publico tin musica, bailenan tipico y folklore presenta pa Sunrise Dancers, Baile di cinta, Tipico Melodia y Banda Duro pa entretene e publico te cu 6’or di atardi. Entrada pa e exposicion lo ta un contribucion di un florin pa persona. Lo tin doorprizes y diferente premio atractivo. Bin pasa un dia di famia na Archivo Nacional Aruba dia 18 di Maart proximo.



FORZA FEMENINO GRACE

Ta Invitabo pa Celebra dia



International di
hende Muher 2015



Evelyn Wever-Croes




Xiomara Ruiz-Maduro

Dia: 8 di Maart Lugar: Indian Rock Garden

Ora: 8 PM pa 10 PM / Entrada 35,- Florin

Pa mas info & Ticket : 593-2931 / 738-0101 / 585-9500



Solo Local....

Clientenan corporativo a atende presentacion special

Eficiencia y accesibilidad ta central den "Cloud Digicel"

Recientemente Digicel a organiza un seminario dedica na solucionnan di negoshi cu e enfoke riba TIC, dunando companianan oportunidad di traha cu eficiencia y den un forma mas economico y toch ricibiendo mas balor pa nan inversion. E division di negoshi di Digicel a presenta "Digicel Cloud" durante 3 sesion di 90 minuut cada un, cu participacion di 15 persona den cada sesion.

A organisa e seminario di "Digicel Cloud" na Alhambra Bazaar y a presenta na cada participante e vision amplio di servicionan cu "Digicel Cloud" ta ofrece. Ta trata aki di un servicio moderno cu ta ofrece usarionan e posibilidad di ta accesibel na e servicio sin ningun inversion.

Durante e seminario a duna un amplio splicacion y demostracion riba loke ta referi na Cloud Backup, sistema di telefon Avaya (PBX), Desktop, Video Surveillance y Digi Drive. Pa masha hopi empresa e solucionnan presenta ta trece hopi alivio na momento cu constata cu no mester di ningun inversion.

Digicel a demostra un metodo eficiente pa capitalisa y permanece na vanguardia di tecnologia na un prijs fiho y economico. Digicel ta haci mayor uso di e potencial di tecnologia, ta resolve problema tecnico y ta ofrece e mihor solucion y esun mas reciente pa e concepto "Business-to-Business", mientras e ta maneja su gastonan y ta optimalisa su eficiencia.


Despues di cada demostracion di e servicionan di Digicel,

e invitadonan presente a haya oportunidad di experimenta cu e servicio. E ventaha di Digicel Cloud ta simplemente demasiado pa menciona, pero sigur ta destaca e

continuidad, e movilidad y e agilidad di e compania cu ta haci uso di e servicio Cloud di Digicel. Durante e seminario a muestra clientenan e opcion di seguridad, con pa "share

files", administra y haci yamada na prijsnan competitivo. E cliente ta accesibel na cualkier ora via su negoshi, como parti di un plataforma, asisti pa e servicio di IT, un centro

cu ta brinda servicio 24/7. E asistencia na e seminario y e interes di clientenan pa e producto innovativo di Digicel ta afirma e compromiso cu Digicel tey pa keda.



Solo Local.....

A cuminza deshaci di autonnan bieu na garashi di Polis

Despues di a haci e anuncio publico, recientemente Cuerpo Policial a deshaci di tur vehiculonan confisca cu no a wordo busca. Algun siman atras a wordo anuncia oficialmente cu lo deshaci di vehiculonan cu a wordo tuma den "bewaring" y otronan cu a wordo confisca.

Minister di Husticia mr. Arthur Dowers a splica cu tur vehiculo cu wordo kita for di caminda, ta wordo transporta pa e garashi di Polis na Balashi na prome instante. E doño por busca su auto na momento cu e cumpli cu e rekisitonan cu ta wordo exige pa ley y gastonan relaciona cu e "bewaring" di e auto. "Nos a constata pa hopi aña cu hopi hende, principalmente si e vehiculo no tin mucho balor, nan no ta buske mas. Asina a haya cu tin auto cu tin 5 aña para na e garashi di Polis y creando gasto halto pa Gobierno. Alabes e luga ta keda yena y Polis no por haci su trabou den forma optimal."

E ariba menciona tabata e motibo cu a duna tur hende e chens busca nan propiedad y paga e gastonan cu tin, pero mayoria no a reacciona. A cuminza pa destrui e autonnan cu tin menos balor y cu tin un debe hopi halto. "Por ehempel tin un auto para aki cu nos a calcul'e na mil florin, pero

e debe Gobierno pa tur e añanan cu e ta para aki, 9 mil florin. Nos no ta kere cu den un caso asina e persona ta bin busca e auto mas. Pero si e bin busca su auto, e lo wordo informa cu e tin un debe di 8 mil florin ainda cu Gobierno."

E mandatario a splica cu a haci un analisis si e vehiculonan tin piezanan cu lo por a wordo bendi pa cubri gastonan di Gobierno, pero e cantidad di trabou cu mester haci pa por bende e piezanan ta basta y e gastonan lo ta mas cu e entradanan. "Pesey a dicidi cu esnan cu no tin balor, ta deshaci di nan."

Despues di destrui e autonnan di menos balor, Minister Dowers cu ta calcula cu pa otro siman lo bay tene un vindishi, cu ta regla legalmente, durante cual ta bende e autonnan

cu ta den un tiki miho condicion. A wordo splica cu for di suma di cada auto lo kita e gastonan di Gobierno y e resto e doño por hay'e. "Si no resta nada, nan lo keda cu un debe." No ta bay haci esfuerzo grandi awor pa e vehiculonan cu ta den garashi, pero den futuro, ta bay crea un procedura pa e doñonan busca nan auto den cierto periodo,

sino e consecuencia ta cu lo bende e auto unaves cu e gastonan ta subiendo. "Gobierno no por keda carga responsabilidad pa hendenan cu nan mes no ta mustra responsabilidad pa nan propiedad."

Den e autonnan cu ta den "bewaring" tin algun vehiculo basta nobo cu a wordo tuma for di riba waf. "En principio, tur auto cu ta

den "bewaring" por wordo bendi den vindishi. Tur auto cu a wordo confisca door di Ministerio Publico, cu ta basa riba sentencia di Corte, e Griffier di Corte ta responsabel pa esey wordo bendi na vindishi, si ta e caso. Pero tin di nan cu ta wordo saca for di circulacion y cu lo no wordo bendi den vindishi, pasobra ta cay pa pais Aruba."



Solo Local.....

KIWANIS CLUB OF ARUBA A CELEBRA 50 ANIVERSARIO ENTREGANDO DONACION NA 3 ORGANIZACION

Cu gran honor Kiwanis Club of Aruba a celebra su 50 aniversario dia 20 di Februari y celebrando tambe e fundacion di e famia di Kiwanis riba nos isla. E fundador Sr. Clint Whitfield (q.e.p.d.) tabata un persona cu vision, determinacion y perseverancia. Na momento cu a acerc'e na 1963, pa su amigo Arthur (Tula) Jesserun den feliz memoria, pa inicia cu Kiwanis Club of Aruba, e no a duda. Ya e aña siguiente tur cos tabata organisa, teniendo Kiwanis Club of Curacao y Rideau Kiwanis Club of Canada como e sponsornan di e club. Kiwanis Club of Aruba a 'chartered' riba diabierna 20 di februari 1965 y riba mesun anochi a funda e club durante un reunion teni na Aruba Caribbean Hotel.

E prome Presidente a bira Sr. Whitfield y despues el a fungi tambe como Lieutenant Governor den e organisacion di Kiwanis durante varios aña. E tabata unico miembro den e division cu a sirbi como Governor na 1978-1979 pa Eastern Canada & the Caribbean District.

Sr. Clint Whitfield a fayece 12 di Januari 1993 na edad di 82 aña lagando

su legacia atras. Pa conmemora na su honor e fundacion di Kiwanis Club of Aruba, a coloca un ofrenda floral na e graf di Sr. Whitfield riba e mainta di e celebracion di 50 aniversario, unda cu e Presidente, Sra. Marjory Clark, a hiba palabra demostrando respet na e fundador di e club.

Den e oranan di anochi e miembronan di Kiwanis Club of Aruba conhuntamente cu e invitadonan a reuni na La Trattoria El Faro Blanco pa e gran Celebracion Oro.

E presidente di e club, Sra. Clark, a habri e celebracion oficialmente pa despues Sr. Guito Croes, e presidente anterior di e club, cu a fungi como MC, a yama riba escenario Sr. Prakash Gupta pa e 'invocation'.

Sr. Gupta a resalta, cu e miembronan di e club no mester sinti nan mes orguyoso cu ta sirbi comunidad, sino ta agradeci cu Señor ta duna nan e oportunidad pa sirbi.

E presidentenan di e diferente clubnan di Kiwanis cu tabata presente, a felicita y haci entrega di un toke di aprecio na Sra. Clark pa

50 aniversario di Kiwanis Club of Aruba.

Den e discurso di Marjory Clark, el a elabora riba e 50 aña di existencia di e club, desde su inicio, unda cu Sr. Whitfield, como e fundador y te cu awe, por conta cu Kiwanis Club of Aruba. Sr. Whitfield a fomenta 1 gobernador, 10 Lieutenant Governor y 45 presidente, incluyendo e mes como actual presidente.

"Nos ta hopi privilegia di por tin ainda un 'charter member' activo den nos club. Aunke e no ta presente debi na problema di salud, mi ta pidi un aplauso pa FK. Oscar Antoinette tabata t'ey desde inicio di nos club y ta apasiona cu e slogan 'we build'. Esaki tabata slogan di Kiwanis International pa hopi aña te cu el a comberti den 'Serving the Children of the World'.

Na final di Marjorie su discurso como presidente, el a propone un brindis pa tur Kiwanian di Aruba y pa Kiwanis Club of Aruba su 50 aniversario, y pa continua cu e bon trabou manteniendo e posicion cu e club tin actualmente den



e comunidad. Lo continua sirbiendo y entregando cu un bon curason, yudando otro y en particular e muchanan di Aruba.

E parti oficial di e celebracion no ta totalmente completo den e espiritu di Kiwanis Club of Aruba, si no haci entrega di algun donacion na e organisacionnan y en particular na esnan cu ta traha na beneficio di e muchanan.

E prome cu a yama dilanti pa ricibi un cheque ta Fundacion Ban Uni Man pa Cria nos Muchanan. E representante Sr. John Fun a bisa di sintie hopi honra cu e por ricibi e

suma di 25,000.00 florin y cu e donacion aki lo yuda 80 mucha durante 1 aña completo. E siguiente organizacion pa ricibi un donacion di 10,000.00 florin tabata Fundacion Respetami, cu lo destina e suma aki na nan proyecto Cunucu Familiar cu tin como obhetivo, pa haci nos mas consciente di e peligernan di abuso di menor cu por sosode den nos propio seno familiar. E ultimo donacion di 10,000.00 florin a wordo entrega na Fundacion pa nos Muchanan, cu lo dedica esaki na e derecho di e muchanan y cu lo ricibi e debido atencion e aña aki.



Solo Local.....

Durante di desayuno privá pa delegadonan di ANATO 2015:

“Concierto Viva la Música Latina Curaçao” a keda presentá na agensianan di biahe na Colombia



WILLEMSTAD, Kòrsou: Resientemente SHOWBIZZ International tabata invitado na un desayuno ku agensianan di biahe na Colombia. Anualmente e asosiashon colombiano di agensianan di biahe i turismo ta

organisá e feria ANATO ku ta konta ku un gran kantidat di ekspositor, ku durante di 2 dia ta eksponé nan produkto òf servisio. SHOWBIZZ International ta gradisí CTB un di su branding partnernan di “Concierto Viva la Música

Latina Curaçao 2015” pa e invitashon i e oportunidad di oro ku nan a risibí. ANATO ta un di e ferianan internashonal di turismo di mas grandi na Colombia i den su kategoria un di e tres eventonan di mas grandi den Sur Amérika.

Di akuerdo ku sr. Steve Hudson di Showbizz International B.V, “E oportunidad ku nos a risibí pa presentá “Concierto Viva la Música Latina Curaçao 2015” durante di un desayuno privá ku agensianan di biahe a wòrdu risibí ku brasa habri. Nos a hasi bon uso di esaki pa presentá e aliniashon estelar di artistanan ku lo ta bishitando Kòrsou pa e konsierto. Mirando e reakshon di parti di e agensianan di biahe ta spera hopi bishitante for di region Latinoamérica”. Fanatikonan di música latina lo bai keda enkantá. Riba djabièrnè dia 29 di Mei próksimo lo tin presentashon di Gilberto

Santa Rosa, Grupo Guaco de Venezuela i Jorge Celedón. Riba djasabra dia 30 di Mei lo tin presentashon di Olga Tañón, El Gran Combo de Puerto Rico, José Alberto El Canario i Alberto Barros. “Concierto Viva la Música Latina Curaçao 2015” lo tuma lugar riba e parkinglot di SAMBIL Curaçao. Entrada pa e konsierto ta Naf 200 pa un anochi i Naf 350 pa ámbos anochi. Konsultá bo agensia di biahe favorito i puntra pa un pakete inklusive bo estadia. Karchinan lo sali pronto na benta, mientrastantu por

kumpra karchi ‘online’ via di www.ticketscaribbean.com. Ademas di bishitantenan for di region Latinoamérica ta premirá un gran kantidat di fanátiko for di Aruba i Boneiru, sin lubidá Isla Ariba i Sürnam. Karchinan ‘online’ ta mesun preis ku ta wòrdu bendí lokalmente Naf 200 / \$115 pa un anochi òf Naf 350 / \$200 pa tur dos anochi. Keda pendiente pa algun kampaña interesante riba e página di Facebook di Viva La Musica Latina.

TRAINING: “REKENEN” ULTIMO TRAINING!!

(pa: studiantenan 6de klas school basico)

Fecha REKENEN: maart 13, 14, 20, 21, 27

Lugar: Club Don Bosco (Noord)

Docente: drs. Rudolf R. Kelly

Informacion: 562-2119 / 594-9771/ 585-9774

Email: rr_kelly@yahoo.com

584-4715

594-1881

Motel

Sports bar & Restaurant / Nightclub

San Nicolas

Pastoor Hendrikstraat # 6A(Pabou Centro Medico IMSAN)

Daily Lunch Specials FRI-SAT (11am-3am) / SUN-THUR (11am-1am)

Monday: Different soups
Wendsday: Creole Dishes
Thursday: Curry Dishes
Friday: Fish Dishes
Saterdag: Mixed Dishes
Sunday: Mixed Dishes

Surinam Specials

Bamie, Nasie, Pom,
Roti, Moksie Alesie,
Saoto, Moksie Metie
Broodjes

Sides

Arroz moro, Arroz Blanco, Banana, Batata, Funchi, French Fries
Free Delivery from orders of five(5) and more!!!!



Daily Specials

Saco
BBQ

Chicken Wings Basket
Chicharon / Chimichuri
Saltfish & Johnny Cakes
Stoba (Cabrito / Carni)

Sulz
Mondongo

Fridays 5-6 Happy Hour

Dushi snacks always on the House

Solo Local....

Autoridad
investigando un
caso di intento
intencional pa cende
un cas na Santa
Cruz na Candela




Dialuna madruga a drenta informacion di un caso di menasa na Piedra Plat mesora a dirigi un patruya na e sitio. Ora a bin haya

sa unda e agresor aki ta biba polis a bay su cas na Catiri pero no a bin encontre. Polis a keda di buske despues.

Landado a haya problema na
Boca Catalina



Diasabra atardi a drenta informacion cu 2 persona a bay diuk banda di Boca Catalina y na dado momento nan a separa y un so a yega canto. Mesora a bati alarma y a avisa instancianan. Tanto strandpolitie, como polis maritimo, kustwacht y tambe bombero a ser dirigi na e sitio. Na yegada di e unidadnan mesora a inicia cu un buskeda cual despues di un rato a drenta informe di cu e otro persona a yega tera sano y salvo.



Date: Saturday, 21st of March 2015

Place: Stadion Nadi Croes Crismo Angela – St Cruz

Time: 4:00 p.m. – 7:00 p.m.

Ages: 17 and up!!

Cost: FREE – GRATIS (Includes Food & Beverages)

Contact Information: 5637825
oranjestadstallions@hotmail.com
 Facebook: Oranjestad Stallions

S-U-S-S-S-A

Split Unit Sprinkler System Saver Aruba

**Bo no tin "PLACA" pa Cumpra Airco Inverter
 ata aki e solushon pa baha bo**

GASTO di Coriente di Airco Split Unit

"Garantisa cu 50% (of bo plaka bek)"

Simplemente un Adaptashon cu lo costabo

Afls: 250:=- per Unit

Tel: 6000641

PUEBLO A HAÑA SU PEN BEK

Pa kualkier informacion
solodipueblo@gmail.com
 of
 ☎ 585-9500

Solo Local.....

Dama chauffeur no a duna preferencia na cruzada Weststraat Prof. Lorentzstraat y a ocasiona un accidente



Diabierna mainta a drenta informacion di un accidente cu hende herida na e cruzada Weststraat Professor Lorentzstraat. Mesora a dirigi tanto polis como ambulance na e sitio. Na yegada di e patruya a bin compronde e dama chauffeur di e Mitsubishi Lancer cu tabata bayendo

nort den Weststraat, no a para pa duna preferencia na e Ford pick-up cu tabata bayendo pariba den Prof. Lorentzstraat. E impacto tabata asina fuerte cu e Lancer a bira 180 grado y a bay para riba acera. Na yegada di e ambulance nan a atende e dama y a transporte pa hospital.

Servicio Publico

Tin mester di dos colchon di dos persona pa un famia den necesidad. Si tin mas donacion, lo ta mas cu bon bini.

Pa mas informacion tuma contacto cu 6001042. Un danki di curazon.

Opinion: Desde cuando DTP tin "ontheffing" pa reglanan di trafico? Pa viola reglanan di borchinan di trafico



Un cos ta cu bo ta controla pero con abo por controla pikiendo e pieunan den wowo di otro pero e balki den bo wowo mes bo no ta mira? Bo ta core cu auto cu plachi di aña pasa

ley ta bisa bo mester tin e plaachi nobo! Pa di 2 bo ta para na unda ta prohibi tambe. Anto asina bo ta bay sinta piki pieu cerca otro?

Golden Goose Fashion

Montaña 1A Noord

Cel: 567-7778

Open di 5:00pm – 8:00pm

Nos tin paña small te cu size xxxxl

Underwear te size grandi (BIG MAMA)

Zapato, tas, cartera, joya ,perfume, paña pa baby
Y mucha, algun cos di homber, tin layaway plan y hopi beneficio mas

Spaar punto pa December, Nos ta wardabo

TRESE E AVISO AKI Y HAYA

10% DESCUENTO

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Ta cumpra vehiculo

Ta cumpra tur clase di vehiculo
Ta cumpra tur modelo di
vehiculo sin jun esepshon
yamami :5694343

Aruba Quality Deals

Great Investment

Ford Fusion
2008

Full Ekipa, full
Electronico cu
tur facilidad pa
transporta su
persona.
Ta bende sin
motor.
Yamami:
5694343



Aruba Quality Deals

Great Investment



BMW año 85.
Motor su so ta costa 6 mil florin.
Inverti aden y saca un bon probecho.
Mi ta ofrecebo motor plus full e body
na 3 mil florin.
Yamami: 5694343

Aruba Quality Service

Since 1980 giving service



Ta Drecha tur modelo di holoshi
disenja y original
Ta Drecha holoshi nan antique
Ta Ofrece Personal cu 30 anja di
experencia
Yamami :5694343


Aruba Quality Deals Real Estate

Ta Ofrece dos Cas di 250 mil florin den tereno
priva y cas di 300 mil florin
Construi riba Tereno Priva
Den Barionan Trankil
Casnan di famia y hopi espacioso.
Yamami: 5694343

Aruba Quality Service

Servicio di Drecha Imagen
Personal cu hopi experencia

Ta renoba, drecha y limpia tur clase di
Imagen
di tur religion, y organisacion.
Yamami :5694343



Ta Bende

Auto nan di 3000
y 4000 florin
auto nan ta core
tur dia , stoel nan
paden ta limpi y
motor ta core sin
zonido.
Yama na :5694343

Ta buska cas of apartment complex pa Huur

Ta busca apartment of Cas di
dos camber pa huur .jamami
:5694343

Solo Local.....

Chauffeur burachi
a sali apesar di
advertencia di polis



Diasabra mainta despues
cu polis a hibe su cas y
bise bay sosega, chauffeur
a bolbe sali algun minuut
despues y polis a detene.

Polis a coopera cu'n'e
un rato prome pero e
chauffeur mes a perhudica
su mes y a keda deteni.

Polis ta investigando un caso
hopi delicado cu lo a sosode
den oranan di madrugada e dama
tabata na yoramento



E boletin aki ta un recordatorio pa tur estudiante cu ta inscribi pa participa na e training "rekenen"

Fecha: Maart 13, 14, 20, 21, 27,

Ora: 3:00 pm - 6:00 pm (DIABIerna)

12:00 pm - 3:00 pm (DIASABRA)

Lugar: Club Don Bosco (sala chikito) - Noord

Trainer: drs. Rudolf R. Kelly

Toets rekenen & taal (toelating iste klas havo/vwo):

FECHA: Diabierna 17 di april 2015

Inhoud (leerstof) TRAINING REKENEN

Training "REKENEN" ta consisti di e siguiente

"BLOKNAN":

BLOK 1

1. GETALLEN

2. BEWERKINGEN VAN GETALLEN

3. HOOFDREKENEN

BLOK 2

4. BREUKEN

5. PROCENTEN

6. KOMMAGETALLEN

7. VERHOUDINGEN

BLOK 3

8. METEN

BLOK 4

9. MEETKUNDE

BLOK 5

10. GRAFIEKEN

Pa cualkier informacion adicional tuma contacto cu drs.
Rudolf R. Kelly na:

*cell 562-2119, *cell 594-9771, *tel 585-9774 of *email
rr_kelly@yahoo.com

Dialuna madrugada a drenta
informacion di cu na un cas
na Tanki Leendert a yega
un muher cu un serbete
lora rond di su curpa y na
yoramento. Mesora a dirigi
un patruya na e sitio. Na
yegada di e patruya a bin
compronde cu e muher
a pidi pa fia e telefon y a
haci un yamada pero ya
caba e dama a bandona e
sitio direccion pabao. Polis
a bay rondi'e y a encontre
banda di Wema Ponton.
Polis a compronde cu aki
ta trata di un caso delicado
y cu mester di atencion di
slachtofferhulp cual a ser
solicita y a bay cu e muher
na hospital. Nos por a
compronde cu aki ta trata
di un caso hopi delicado.

R.A.M. Muffler Center N.V.

Balashi 78 - Tel: 5858900

Pa tur problema di muffler pa bon prijs y
calidad pasa serca nos riba highway di
balashi

Dialuna - Diabierna

8:00-12:30 - 1:30-5:00

Diasabra 8:00-12:00



Solo Local.....

Minister di Deporte Dr. Alex Schwengle

Mira den e wowo di bo yiunan y laga esaki ta e refleho di loke ta nos futuro

Na apertura di e campeonato di Basketball 2015



Aruba Basketball Bond a tene su ceremonia oficial di Apertura di e Campeonato di Basketball 2015, un evento cu a tuma luga na sede di YMCA na San Nicolas.

E ceremonia di apertura di e aña aki tabata magnifico encabesa bao di e tononan di Brass Band.

E desfile di e ekiponan y nan categorianan a demostra cu e deporte aki a crece masha na Aruba. Minister pa Deporte, Dr. Alex Schwengle a gradici e Directiva nobo di ABB, Sr. Ron Serrant y alavez

a duna palabra di elogio na e directiva cu a finalisa nan tarea y a sa di traha pa añanan largo na beneficio di Basketball.

Dr. Schwengle a dirigi su mes na e mayornan y a pidi conscientisacion di parti di mayornan pa siña e mucha e importancia di e aspectonan cu ta forma parti di e formacion di e mucha den deporte y tambe e impacto cu e apoyo di nan mayornan ta eherce den tur e aspectonan di e crecemento di e mucha. "Mira den wowo di bo

yiunan y laga e refleho indicabo e futuro cu nos kier pa nos yiunan" Minister ta sigui bisa. "Laga nan deseo di forma den deporte ta parti di nos dia."

Un Danki special a bay na ASU, Lotto pa Deporte, COA, Subsidie commissie pa nan trabao pa mantene deporte latente.

"Nos tabata tin un aña hopi dificil pero cu confianza Lotto pa Deporte lo sigui aporta na deporte." Minister ta sigui bisa.

Den presencia di Tom Pietersz cu tambe a dirigi su mes na e cantidad di mayornan presente, y Anky Vrolijk di YMCA, e mandatario a efectua e apertura oficial di Campeonato di Basketball 2015.

Un trabao grandi a wordo haci pa drecha e cancha di Basketball na YMCA cu durante e anochi aki pa prome bes a estrena un vloer renoba y pinta yamativamente.

Teniendo en cuenta e cantidad di expectadornan, mayornan y e hubentud presente e Campeonato di Basketball 2015 ta promete y sigura di bira exitoso.

Accion di Cuaresma

Mi tabatin hamber, bo a duna mi di come. Mi tabatin sed, bo a duna mi di bebe.

Durante cuaresma lo haci entrega di cuminda saludabel na tur cu ta den e nesesidad aki.

No ta pidi ningun donacion. Solamente pa ta solidario, yama, duna nomber y adres, pa asina pa medio di bo yamada por entrega e cuminda na cas.

Telefoon: 583940/5928057

Digna Geerman

TA BENDE

Cas na Oranjestad den bon
Condicion, 3 camber, 2
baño y 2
Apartamento situa cerca
di centro di
Cuidad. Afl. 410.000,--
Yama 593-7118

Bo ta busca trabao?

Nos tin mester un persona pa bende na un oficina di loteria
Si bo ta available, yama:
737-4500

Con pa
abona na
Solo di
Pueblo?

Facil...

Yama nos
oficina na
585-9500
y nos lo
entrega
bo corant
tur mainta
tempran den
bo porta di
cas.

Costo di
Abono: Afl.
35.00 pa
luna

Ta huur
Un apartment na
Palm Beach

1 kamber, 2
baño, sala, A/C,
comedor,
Cu propio
stacionamento. Afl
1500,00 luz y awa
apart.
Pa mas info yama
744-8224 of 740-
6618

Tip line
7380101
solo di
pueblo @
gmail.com

CLASIFICADO

25 florin pa 3 dia

40 florin pa 1
simanPasa na nos
oficina na Sta.
Cruz 110**Ta bende PATO:**
Macho 50 pa un
Hembra 30 pa unTa chapi, corta
mata, verf, haci
cura limpi, tira
sushi afo, 15 florin
pa ora.
Yama 5690143**LOOKING FOR A
CAREER?**

If you are enthusiastic, ambitious and a hard worker, you have a lot to offer - then you are just the type of person we are looking for. If you are interested in a life-long career with excellent earning potential, do contact us at: auasales@gmail.com and find out what we have to offer.

We are an equal
opportunity employer

TA BENDE

Cas na Tanki Leendert, 3
kamber, 2 baño, 2 apts.,
tereno 813 m2, construi
375 m2. Considerando
ubicacion favorabel y
grandura di tereno, tambe
bon pa negoshi cu amplio
espacio pa parkeer.
Prijs Afl. 460.000,-. Yama
5937118.

Ta Cumpra
Ta busca Cas pa Cumpra na
Savaneta
Ta busca tereno priva pa
cumpra na playa
Cell: 5694343

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

CUMINDA

Cushina di Dochi Lee

NOS SNACKS

Tur dia tin special di dia. bestel bo cuminda tempran
na 585-2585

Ta Huur

Un Snack Shop (Take
Away) den bon condicion
espacioso y situa na
caminda grandi
Sta.Cruz 27

Pa Mas Informacion yama:
5941402

PA BO MATA NAN TA
BERDE
Y BUNITA GORDURA DI
BON CALIDAD
PA AFL 7.00 PA SACO.
CUMpra Y NOS
TA ENTREGA GRATIS

PA MAS INFO YAMA
592-6209

TA BUSCA

Un cas pa huur
pabao di brug
un cas di 2 of 3
kamber. Prijs di
700 florin pa 1000
florin. Yama 744-
3714 of 744-5093

TA HUUR

executive huis
2-verdieping 4slpk-3badk
was en berghok rustige
buurt scopetstraat 7
ponton afls.2750/p mnd
zonder meubels
afls.3000/p mnd semi
gemeubileerd
cel:561-1833

TA HUUR


Ta huur espacio comercial na Centro Comercial
Noord Afl. 500.00. Perfecto pa cualkier sorto di
oficina.

Adres: Noord 82.

Pa informacion yama 730-7000

Marios Septic Truck

Servicio rapido 560 3500

**STA CRUZ
BARBER SHOP**

Habri tur dia te cu 9'or anochi. Situa dilanti Colegio
San Hose, (banda di Blush). Pasa cerca nos y nos lo
drecha bo look y ponebo master master!

**Sanador Spiritual
internacional y
Clarividente Mr. Mane
for di Africa**
*Specialista den tur
problema efectivo. Trece
bek sernan keri, exito den
negoshi, kita mala suerte y
magia preto. Ta resolve
problemanan financiero,
yuda pasa rijbewijs, yuda
cu dificultad sexual y
mucho mas. Resultadonan
rapido y garantiza
Pa mas info yama
5658369*

Resultado di number:

Diamars 3 Maart Merdia

Catochi	Big 4
1528	4159
3496	
3103	

Zodiac	XXXXXXXXXX
6098 – Virgo	xxxxxxx
	XXXXXXXXXX
	XXXXXXXXXX

Diamars 3 Maart Anochi

Catochi	Big 4
7669	6779
0765	
1656	

Zodiac	Minimega
7582 – Libra	28-01-13-04
	Megaball: 15

Lotto di dia	Corsou
12 – 19 – 16 – 13 – 30	4483
	3481
	1760

Diario	Super 4
0011	5267
7079	
3546	

4 skina DIA

x

4 Skina Cur

x

PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

“Senjor ta mi wardador, mi n’ tin falta di nada; den cunucu di yerba berde

E ta ponemi sosega. E ta hibami na awa trankil, pa mi bolbe haya forza”

A bay sosega den braza di Señor nos Mama, wela, bisawela, ruman, tanta, suegra y prima stima:

Daria Aurora de Mey
Corsou 19-12-1927 *
Den Haag 01-03-2015 †



Na number di:

Su yiunan: Isaac (Daniel) y Gloria
Cordeiro-da Silva

Maria Cordeiro

Gonzalez Tobias (Tito) y Mireya Cordeiro-

Blanca y Ron von Kaenel-de Mey

Lidia de Mey

Carlos Orman

Su nietonan: Danielle y Marc Kock-Cordeiro, Sergio y Romelia Cordeiro-Lampe, Jorge y Tirzane Cordeiro-Williams, Monalisa Tromp, Marnia Cordeiro y Cory Larsen, Monica y Edward John Marchena-Cordeiro, Kenneth von Kaenel, Ronald von Kaenel, Gabriel de Mey, Daniel de Mey, Celia de Mey

Su bisanietonan: Angelito, Isabelle, Isaac, Sophie, Ismelia, Tarron-João (TJ) y Oliver-Max

Su Rumannan: Blanca de Mey y Gladys de Mey

Su sobrinonan na Aruba, Corsou y Merca: Emma, Beatriz, Edita, Buboei, Blanca, Rolando, Ella, Jeanine, David, Susy, Alberto, Linda, Nathalie, Anthony y nan respectiva famia.

Lilia, Ada, Frida, Marijke, Jacintha y nan respectiva famia.

Su Comadre: Iris den Hartog y famia

Demas famia: De Mey, Cordeiro, Von Kaenel, de Medeiros, Rodrigo, Winkel, Orman, Arends, Luidens, Croes, da Silva, Gonzalez, Coronel, Hernandez, Lacle, Erasmus, Boekhoudt, Tromp y famia Gonzalez na Cuba.

Lo bay tin oportunidad pa condoleer na: De Laatste Eer Delft, Juniusstraat 4, 2625 XZ. Delft, Nederland, Diahuebs 5 di Maart 2015 pa 14:45

Ta invita famia, amigo y conocirnan di e fayecida na un Santo Sacrificio di Misa pa descanso di su alma, riba diarazon 4 di Maart 2015 pa 7'or pm na Iglesia Inmaculada Concepcion na Sta Cruz

Solo Local.....

E reunion ta Diahuebs awor dia 5 di Maart na Centro di Bario Brazil cuminsando pa 7'or y mey di anochi pa 8'or y mey

Durante di e reunion cu Prensa Alberto Klabér lo splica mas den detaye tocante di e plan di accion pa e TK2 y TK5 na Corsou na luna di November 2015.

Si bo persona ta parti di prensa y kier biaha pa Corsou cu Taekwondo cu tur cos paga, mester presenta diahuebs awor na e reunion.

Mester trece un copia di bo paspoort of cana cu e paspoort valido.

Si bo persona no por atende e reunion pa un of otro motibo, por manda un representante na bo luga cu e copia di paspoort di e persona cu lo kier bay corsou.

Tene bon na cuenta cu

diahuebs awor lo ta e unico dia na unda cu prensa por pone nomber pa Corsou, no ta bay pone niun nomber despues di diahuebs dia 5 di Maart.

E puntonan di agenda ta lo siguiente:

Prensa na Corsou pa e TK2 y TK5 cu Taekwondo.

Alberto Klabér lo splica pa kiko prensa.

E idea tras di e evento di TK2 y TK5 na Corsou.

Kiko tur ta inclui pa e evento aki.

Kiko prensa mester haci.

Alberto Klabér lo splica tocante di e TK2, TK3 y TK5 cu a tuma lugar na Surinam na unda cu dos

medionan di prensa a biaha hunto cu Taekwondo.

Pregunta haci na e dos prensanan cu a biaha cu Taekwondo, pa asina

tende di nan banda con nan experiencia tabata na e evento di TK2, TK3 y TK5 na Surinam.

Turno liber.

Spera di por conta cu boso presencia diahuebs awor dia 5 di Maart na Centro di Bario Brazil.

*And don't think the garden
loses its ecstasy in winter.
It's quiet, but the roots
are down there riotous.*

-Rumi

Cu inmenso tristesa ta participa fayecimento di nos kerida mama,
suegra, ex-suegra, wela y casi wela

Sra. Celfa Visser-Lampe

Richard Visser y Aysel Erbudak

Nieta:

Savannah Visser, mama di Savannah: Robbin Anderson

Nieto:

Kai Visser, mama di Kai: Lidwina Young

Yunan di Aysel:

Michael van Waveren

Rowena van Waveren

Merdan Koç

Adres pa condolencia: Aurora Funeral Home,
diahuebs 5 di maart 2015 di 7:00 pm - 9:00 pm

Ta invita na su ultimo despedida, diabierna 6 di maart 2015 na Misa Sta. Anna
na Noord di 2:00 pm - 4:00 pm. Entiero lo sosode den seno familiar



Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!!!

Solo Obituario.....

TEAM ARUBA LO START CU MOTOR DI 2000 HORSEPOWER

Despues di ta ehecuta caredanan di 1/8 miya pa varios aña, awor IHRA ta trece PRO STOCK bek riba mapa pa Merca y Canada. Team Aruba a probecha di e temporada di winter pa 'upgrade' nan Ford Mustang di aña 2011 pa e temporada nobo di IHRA. E Mustang tin awor un motor John Kaase 830 CID cu ta produci un total di 2000 horsepower. Esaki sigur ta un bentaha grandi pa Team Aruba.

Team Aruba ta biahando pa South Carolina e siman aki pa asina aki prepara e auto cu tur su material pa por core bai Port Allen na Louisiana caminda cu e caredanan lo tuma lugar. Na caminda pa Louisiana Team Aruba lo para na un pista cu ta keda serca pa asina nan test e auto.

Ultimo biaha Trevor Eman, manehador di Team Aruba, a core un tempo di 6.16 ariba un pista di

1/4 miya. Team Aruba tin expectativanan halto pa un bon resultado mirando tur e cambionan riba e Ford Mustang. "Nos ta sumamente contento di por participa na e careda aki y ta premira cu esaki lo bira un exito", Trevor ta bisa.

E careda aki ta parti di celebracion di Mardi Gras, cual ta un evento similar na Carnaval di Aruba. Ariba un di e anochinan lo tin un parada cu lo pasa door di e pit area caminda cu lo tin tambe diferente stands di cuminda local.

Team Aruba lo probecha di e momento aki y lo celebra dia di Himno y Bandera na nan pit. Akinan lo tin un mesa cu diferente material promocional di Aruba como tambe nos conocido cocktail Aruba Ariba. Te cu na e momento aki Team Aruba no a logra haya suficiente material promocional di Aruba

pues cualkier persona y of instancia cu tin y ta willing pa entrega esaki como un donacion por tuma contacto cu Team Aruba na 582-9085. Team Aruba mes lo percura pa pasa busca esakinan. Keda pendiente e dianan aki pa e resultado.



*"Remembrance in life's passing
is the truest form of love one can give,
for a memory should never die
and a love should live forever in the heart of another."*

Cu inmenso tristesa

Casa:

+Jan Visser

Yiunan:

John y Viveca Visser, Edward y Linda Visser, Richard Visser y Aysel Erbudak y Famia, +Monique Visser

Nietonan:

Jeffrey y Joana, Jonathan y Stanny, Jared y Melina, Aleksandra, Savannah y Kai

Bisanietonan:

Dana, Maya, Kiara, Jared Jr, Amirah, Arjah y Ava

Rumannan:

+Fransisco y Juanita Lampe-Trimon y Fam, +Antolina y +Jossy Lampe-Kock y Fam, Catalina y Oscar Lampe-Antoinette y Fam, Agueda y +Bill Lampe-Bilderbeek y Fam, +Hendrik Lampe y Fam, +Olivia y +Etienne Lampe-Peterson y Fam, +Angel y Aizy Lampe-Felix y Fam, Benjamin y Sita Lampe-Tromp y Fam, Lourdes y +Henk Lampe Smouters, Rufino y Olivia Lampe-Thijm y Fam, Olga Lampe y Ted Koetsier

Ayudantenan:

Houlin, Gladys y Corra

Demas Famia:

Visser / Lampe / Lopez / Swanson / Erbudak / Trimon / Kock / Antoinette / Bilderbeek / Peterson / Felix / Tromp Smouters / Koetsier / Thijm / Vos / Koster y Emers

ta anuncia fayecimento di nan kerida
mama, ruman, suegra, wela, bisawela y tanta

Sra. Celfa Visser-Lampe

Adres pa condolencia: Aurora Funeral Home,
diahuebs 5 di maart 2015 di
7:00 pm - 9:00 pm

Ta invita pa e acto di despedida
cu lo tuma lugar diabierna
6 di maart 2015 na
Misa Sta. Anna na Noord di
2:00 pm - 4:00 pm.
Entiero lo sosode den seno familiar



Solo Obituario.....

Transmision di PONY BASEBALL via RADIO

Diarazon (4 MAART) lo tin e gran FINAL di Baseball di Pony League den categoria COLT 15-16 aña. E muchanan di San Nicolaas di Guerreros lo bai contra e muchanan di Paradera / St. Cruz cu ta Giants Frisian Flag. E wega aki lo ta na veld di Dragon Hitters mihor conoci cono Duracell y lo ta cuminzando pa 5.30pm di atardi. Pony Foundation ta pidi e teamnan campeón di 11-12 CBN Red Skins, Ritz Hurricanes, CBN Postobon y Giants Snack Pack pa bini tambe na Duracell cu jeans, top di uniform di team y pechi pa asina nan ricibi nan premio despues cu e wega caba. Pueblo di Aruba ta keda invita pa presencia e wega final aki.

Tur team cu a participa den Pony Copa Betico y a sali campeón tambe por bini cu nan shirt di Champions y Sub Champions. Lo tin un DJ presente cu lo deileta e publico presente cu bon musica y ambiente. Pony Foundation lo ta sacando premio den e publico presente durante cada cambio di inning via tombola, cada persona lo risibi un carchi cu un number y e por bira ganador di un premio e atardi / anochi aki como pe. Dozijn di Malta y mucho mas danki na nos Pony Friendsnan. E WEGA LO WORDE TRANSMITI VIA BLUE FM 107.5FM Y NARA DOOR DI SR. FRANS SOLOGNIER. Bin apoya e muchanan Baseballista aki.

Gradicimento/ Invitacion

Pa medio di esaki famia kier a gradici tur esnan cu di un manera of otro a muestra nan atencion y a duna nos sosten durante fayecimento y entierro di nos difunto stima:



Antonieta A. Orman Vrolijk

Miho conoci como "Neta"

Gradicimento ta bay na Aurora Funeral Home pa e bon servicio, tur esnan cu a manda flor, krans, yamada y mensahenan digital. Na tur cut tabata presente na e momentonan doloroso y dificil.

Danki for di profundo di nos curazon

Nos ta invita pa compaña nos na un santo sacrificio di misa cu lo tuma lugara diarazon 4 Maart pa 7or di anochi na misa Inmaculada Concepcion. Pa despues un santo Rosario na Yucuri 5.

TA BENDE NOBO NOBO

6 STELLAGES
PA TRABAO DI
CONSTRUCTION

OF OTRO PRIJS AWG.
350,00 PA UNO

POR YAMA NA 5690235
OF 594-4112


PUNTRA PA SUE

TA BENDE UN 2 WOONTRAILER

FORMA 1
CONSISTIENDO DI 1
SALA 1 CUSHINA, 2
BANO COMPLETO 3
KAMBER Y

UN PORCH DILANTI
POR YAMA NA 569-0235
OF 5941112

PUNTRA PA SUE



If I knew that today would be the last time I'd see you, I would hug you tight and pray the Lord be the keeper of your soul. If I knew that this would be the last time you pass through this door, I'd embrace you, kiss you, and call you back for one more. If I knew that this would be the last time I would hear your voice, I'd take hold of each word to be able to hear it over and over again. If I knew this is the last time I see you, I'd tell you I love you, and would not just assume foolishly you know it already.

- Gabriel García Márquez

Edward Visser
Linda Visser-Swanson
Aleksandra Visser
Ta participa fayecimento di nan kerida mama, suegra y wela

Sra. Cella Visser-Lampe

Adres pa condolencia: Aurora Funeral Home, diahuebs 5 di maart 2015 di
7:00 pm - 9:00 pm

Ta invita na su ultimo despedida, diabierna 6 di maart 2015 na Misa Sta.
Anna na Noord di 2:00 pm - 4:00 pm. Entierro lo sosode den seno familiar.

Gomez Enterprises Aruba N.v.
Y

King Ocean Services Miami

Ta extende palabra di profundo
condolencia
na famia di :

Sra. Gladys Lin-Kock

Ruman muher di Directora di
Ocean Air Express Sra. Vda.

Edith Croes-Kock, Tanta di Sra.

Gelou Boekhout

y Sr. Gregory Croes.



Cu Sra. Gladys sosega na Paz.

Solo Obituario.....

*Probablemente bo ta mirando
nos for di shelo aki riba,
mandando sonrisa cu dianan di solo y
cu hopi amor*



Cu tristesa den nos curazon, pero cu e gratitud di a conoce un dama cu a
duna su tempo, amor y sabiduria



ta anuncia e fayecimento di

❧ **Sra. Celfa Visser-Lampe** *❧*
Ex-directora di Visser Corporation

Gerencia y staff ta extende palabranan di profundo pesame na su yiunan,
nieto y nietanan, rumannan y demas famia.

Cu Dios tuma Sra. Celfa Visser-Lampe den su reino y cu por sosega den paz di señor

Hopi forza den e momentonan aki

Dia di entierro ta diabierna 6 di maart 2015, Visser Corporation ta cera 12:00 pm

Solodipueblo@gmail.com....

Aruba a gana e Copa di TK5 infantil di 8 pa 11 aña pa di tres aña consecutivo na Surinam

Den fin di siman Aruba tabata bon representa na Surinam cu e team di TK5 infantil di 8 pa 11 aña cu a consisti di atletanan for di 3 diferente scol di Taekwondo, kendenan a bringa pa asina por a logra gana e Copa pa Aruba. E siguiente atletanan a forma parti di e team dinamico aki; Samuel Jones di San Nicolas Taekwondo Center bou guia di Master Eric Barry. Jahmani Eisdén, Danon Delamore, Joshua Klabér y Rasheed Lowe di Brazil Taekwondo Stichting bou encargo di Clifford Rasmijn kende a train y coachnan.

Aruba a sali den e prome rond contra di Frans Guyana cu tabata musta un team ganador door di nan grandura. Den e prome rond di 5 minuut e score tabata na fabor di Frans Guyana cu un score di 25 pa 24. Den e di dos rond cos a cambia ora cu Clifford Rasmijn a usa su strategia di cambia Rasheed Lowe y Samuel Jones cada biaha cu nan a score 3 punto. Esaki a bruha Frans Guyana asina hopi cu nan no tabata sa kico mas pa haci y asina e score a keda subi te cu na final di e dos rond Aruba a gana cu un score di 58-36.

Den e di dos rond Aruba a topa cu Surinam y cos no tabata musta bon pa Aruba, Joshua Klabér a entrega su mes despues cu e la haya un lesion na su rudia. Aki ta na unda cu Surinam a haya 10 punto extra na unda cu e score tabata 15-8 pa Surinam. Den e di dos rond Clifford Rasmijn a bin cu e mesun strategia di laga Rasheed Lowe y Samuel Jones cambia cada biaha cu nan score 3 punto. Aki a haci un diferencia grandi den e puntuacion cu Surinam tabata asina bruha y no tabata sa kico tabata dalnan. E score a termina 30-19 pa Aruba.

Aruba mester a topa e team di Corsou den final, aki ta unda cu Clifford Rasmijn a train e muchanan pa bringa contra di atletanan mas grandi cu nan na Aruba y esaki a duna su fruto te na final. Corsou ta ganador na luna di November di e TK5 na Corsou y a kibra Aruba su victoria di 2 aña consecutivo. Den e prome rond Corsou a ranca bay dilanti cu un score di 11-10. E team a wanta Corsou asina bon, compara cu na Corsou na unda cu Corsou a laga e team di Aruba den veld. Den e di dos rond Clifford Rasmijn a bin cu e mesun strategia di laga Samuel

Jones y Rasheed Lowe so bringa den buskeda di punto contra di Corsou cu no tabata facil. Asina mes e score tabata subi tiki tiki. Na final di e dos

rond Aruba por a conta cu un victoria contra di Corsou pa 1 punto cu un score di 17-16. Esaki ta haci cu Aruba tin 3 aña consecutivo ta gana e

Copa di TK5 na Surinam.

Nos por ta hopi orguyoso di nos team di TK5 y di Clifford Rasmijn cu a traha duro pa Aruba por a gana.



Backhoe & Bobcat Services

Lanta sushi, rosa tereno
Coba pos fundeshi y cura
Yena fundeshi, santo y piedra
Pa mas info 593-5050 of 592-1116

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500